



KETUA PENGARAH PERKHIDMATAN AWAM
DIRECTOR-GENERAL OF PUBLIC SERVICE
 Jabatan Perkhidmatan Awam Malaysia
 Public Service Department, Malaysia
 Aras 13, Blok C1, Kompleks C
 Pusat Pentadbiran Kerajaan Persekutuan
 62510 W.P. PUTRAJAYA
 MALAYSIA



Tel: 603-88853001
 Faks (Fax): 603-88892187
 Laman Web (Web): www.jpa.gov.my

: JPA.800-6/2/109 (2)



MINIT KETUA SETIAUSAHA	
TKSU (P)	SUB (KP)
SUB (SM)	SUB (PM)
SUB (PL)	SUB (PK)
TINDAKAN	ULASAN

catitan :
 ulase
 andrewas
 suru urage bas.

DATO' SERI DR. CHEN CHAW MIN
 KSU KKM

Ketua Setiausaha Kementerian Pendidikan Tinggi
 Ketua Setiausaha Kementerian Kesihatan
 Ketua Setiausaha Kementerian Pertahanan

YBhg. Tan Sri/ Datuk Seri,

GARIS PANDUAN KEMUDAHAN PERUBATAN UNTUK IBU BAPA YANG SAH KEPADA PESARA PERKHIDMATAN AWAM PERSEKUTUAN YANG BERPENGEN

Saya dengan hormatnya merujuk kepada perkara di atas.

- Sebagaimana YBhg. Tan Sri/ Datuk Seri sedia maklum, YAB Perdana Menteri semasa ucapan Bajet Tahun 2018 pada 27 Oktober 2017 telah mengumumkan pemanjangan kemudahan perubatan untuk ibu bapa yang sah (*legal parents*) dari segi undang-undang kepada pesara Perkhidmatan Awam Persekutuan yang berpenjen.
- Peraturan dan tatacara pelaksanaan kemudahan perubatan bagi ibu bapa pegawai Perkhidmatan Awam Persekutuan yang berpenjen adalah sebagaimana yang telah ditetapkan dalam **Perintah Am Bab F 1974** dan **Pekeliling Perkhidmatan Bilangan 21 Tahun 2009**. Namun begitu, apabila seseorang pegawai tersebut telah bersara, ibu bapa mereka tidak lagi layak menerima kemudahan perubatan seperti sebelumnya.
- Selaras dengan hasrat untuk mengurangkan beban kewangan dan menjaga kebajikan pesara, Kerajaan telah bersetuju supaya kemudahan perubatan bagi ibu bapa pesara Perkhidmatan Awam Persekutuan yang berpenjen ditambah baik. Bagi menjelaskan perkara ini, disertakan Garis Panduan Kemudahan Perubatan Untuk Ibu Bapa Yang Sah Kepada Pesara Perkhidmatan Awam Persekutuan yang berpenjen untuk rujukan agensi masing-masing.



2. Tertakluk kepada penerimaannya oleh pihak berkuasa masing-masing, Garis Panduan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

3. Perhatian dan kerjasama YBhg. Tan Sri/ Datuk Seri dalam perkara ini didahului dengan ucapan terima kasih.

Sekian.

“BERKHIDMAT UNTUK NEGARA”

Saya yang menurut perintah,



(TAN SRI/ZAINAL RAHIM BIN SE

Salinan kepada:

Ketua Pegawai Eksekutif
Kumpulan Wang Persaraan (Diperbadankan)
Aras 2, Skytech Tower 2
MKN Embassy Techzone
Jalan Technocrat 2 Cyber 4
63000 Cyberjaya

Ketua Pengarah
Jabatan Hal Ehwal Veteran ATM
301 Medan Tuanku Jalan
Tuanku Abdul Rahman
Peti Surat 13191
50802 Kuala Lumpur

**GARIS PANDUAN
KEMUDAHAN PERUBATAN UNTUK IBU BAPA YANG SAH KEPADA PESARA
PERKHIDMATAN AWAM PERSEKUTUAN YANG BERPENCEN**

TUJUAN

1. Garis panduan ini bertujuan melaksanakan keputusan Kerajaan berkaitan pemanjangan kemudahan perubatan untuk ibu bapa yang sah kepada pesara Perkhidmatan Awam Persekutuan yang berpencen.

LATARBELAKANG

2. Kerajaan telah mengumumkan mengenai pemanjangan kemudahan perubatan untuk ibu dan bapa yang sah (*legal parents*) dari segi undang-undang kepada pesara Perkhidmatan Awam Persekutuan yang berpencen semasa pembentangan bajet 2018 pada 27 Oktober 2017.

3. Peraturan dan tatacara pelaksanaan kemudahan perubatan bagi ibu bapa pegawai Perkhidmatan Awam Persekutuan yang berpencen adalah sebagaimana yang telah ditetapkan dalam Perintah Am Bab F 1974 dan Pekeliling Perkhidmatan Bilangan 21 Tahun 2009. Namun begitu, apabila seseorang pegawai tersebut telah bersara, ibu bapa mereka tidak lagi layak menerima kemudahan perubatan seperti sebelumnya.

4. Selaras dengan hasrat untuk mengurangkan beban kewangan dan menjaga kebajikan pesara, Kerajaan telah bersetuju supaya kemudahan perubatan bagi ibu bapa pesara Perkhidmatan Awam Persekutuan yang berpencen ditambah baik.

PELAKSANAAN

5. Kemudahan perubatan kepada ibu bapa yang sah sebagaimana yang diperuntukkan dalam Perintah Am Bab F Tahun 1974 dan Pekeliling Perkhidmatan Bilangan 21 Tahun 2009 adalah **dipanjangkan kepada ibu bapa pesara Perkhidmatan Awam Persekutuan yang berpencen** tertakluk kepada pematuhan syarat berikut:

- a. Ibu bapa yang sah bererti ibu bapa kandung atau ibu tiri atau bapa tiri atau ibu bapa angkat yang pertalian kekeluargaan adalah sah di sisi undang-undang. Kemudahan ini dihadkan kepada seorang ibu yang sah dan seorang bapa yang sah sahaja pada satu-satu masa;
- b. Ibu bapa yang sah yang merupakan pesara Perkhidmatan Awam Persekutuan yang berpencen boleh memilih untuk menggunakan kemudahan rawatan perubatan mengikut kelayakannya sebagai seorang pesara yang berpencen atau menggunakan kelayakannya sebagai ibu bapa pesara yang berpencen;
- c. JPA akan mengeluarkan suatu surat pengesahan seperti di **Lampiran A**, atas permohonan pesara yang berpencen atau ibu bapa yang sah kepada pesara yang berpencen, untuk dikemukakan kepada hospital/klinik Kerajaan yang berkenaan semasa ibu bapa yang sah ingin mendapatkan kemudahan perubatan. Proses permohonan boleh dirujuk di **Lampiran B**;
- d. Kelayakan kemudahan perubatan yang dibenarkan kepada ibu bapa pesara yang berpencen termasuk rawatan di Institut Jantung Negara Sdn. Bhd. (IJNSB) adalah sama sebagaimana yang dibekalkan kepada ibu bapa pegawai Perkhidmatan Awam Persekutuan yang berpencen seperti yang tertakluk di bawah Pekeliling Perkhidmatan Bilangan 21 Tahun 2009 - Peraturan Permohonan Perbelanjaan Kemudahan Perubatan dan pindaan dari semasa ke semasa;

- e. Kelayakan wad bagi ibu bapa yang sah adalah ditentukan berdasarkan kelayakan yang ditetapkan kepada pesara yang berpencen; dan
 - f. Kemudahan perubatan di bawah Garis Panduan ini tidak meliputi rawatan kepada ibu bapa yang sah seperti berikut:
 - i. rawatan perubatan di luar negeri;
 - ii. rawatan bagi tujuan pencegahan penyakit;
 - iii. pembekalan semua jenis/ kategori alat; dan
 - iv. rawatan membuat *crowning*, gigi palsu dan rawatan otodontik bagi tujuan *corrective measure* yang merupakan rawatan kosmetik.
6. Bagi pegawai yang meninggal dunia dalam perkhidmatan atau pesara yang meninggal dunia, ibu bapa pegawai/pesara tersebut adalah layak untuk mendapatkan kemudahan perubatan ini.

TARIKH KUAT KUASA

7. Garis Panduan ini berkuat kuasa mulai **1 Januari 2018**.

PEMAKAIAN

8. Tertakluk kepada penerimaannya oleh pihak berkuasa masing-masing, Garis Panduan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

JABATAN PERKHIDMATAN AWAM
MALAYSIA
PUTRAJAYA

22 Disember 2017

LAMPIRAN A

Ruj. Kami :
Tarikh :

SURAT PENGESAHAN DIRI DAN PENGAKUAN PESARA

Pengarah/Pegawai Perubatan Hospital/Klinik Kerajaan

Tuan,

Dengan ini disahkan bahawa penama di bawah adalah merupakan seorang pesara Kerajaan yang berpencen:

Nama Pesara : _____
No Kad Pengenalan : _____
Jenis Perkhidmatan : _____
Kelayakan Kelas Wad : _____

2. Ibu bapa pesara berkenaan seperti butiran di bawah memerlukan rawatan:

Nama bapa kandung/tiri/angkat* : _____
No Kad Pengenalan : _____
Nama ibu kandung/tiri/angkat* : _____
No Kad Pengenalan : _____

Sekian, terima kasih.

.....
Bahagian Pasca Perkhidmatan
b.p. Ketua Pengarah Perkhidmatan Awam
Malaysia

*Potong yang mana tidak berkenaan

